

Date – 04/07/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Gauhati High Court Judge, Justice Michael Zothankhuma'n ND&PS Act, 1985 hnuaia thubuai hmachhawnnaa inkaihhraina hman tur Standard Operating Procedure leh Flowchart chu nimin khan a tlangzarh.
2. IMD Aizawl Centre Director Pu Sudheer Kumar Dwivedi-a'n nikum fur hunlai aiin kumin fur chhungin chhiatna a tlem chhan chu Mizoram sorkar, thuthar thehdarhtute leh mipuite nen thawhhona a that vang a ni a ti.
3. Prime Minister Narendra Modia chuan nimin khan Republic of Ghana Parliament-ah thu a sawi.
4. Union Minister Nitin Gadkari chuan National Highway Project cheng vaibelchhe 2,456 hu Garhwa ah a hawng

<><><>

GHY HIGH COURT

Gauhati High Court Judge, Justice Michael Zothankhuma'n ND&PS Act, 1985 hnuaia thubuai hmachhawnnaa inkaihhraina hman tur Standard Operating Procedure leh Flowchart chu nimin khan a tlangzarh.

Tlangzarh inkhawm hi Mizoram State Legal Services Authority-in Aijal Club-ah a buatsaih a, Justice Michael Zothankhuma chuan he SoP hi Mizorama dan lova ruihhlo tawlhrukna hmachhawn kawngah a pawimawh hle a ni a ti.

Byte: Justice Michael Zothankhuma

Justice Nelson Sailo pawhin thusawiin tunlaiin Mizoramah ruihhlo man a pung nasaa ruihhlo mantu enforcement agency-te chuan ruihhlo an man kawngah leh chhuichian kawngah dan an zawm tur a awm a ni a ti a. Mizoram State Legal Services Authority-in a din Committee chuan, State hmalam hun ngaihtuah chungin, Enforcement agency-te'n State chhunga ruihhlo tawlhruk dona kawnga kaihhraina atana hman tur Standard Operating Procedure (SOP) a buatsaih a, he SOP hian thil tum awmze nei tak a neih ngei a beisei tih a sawi a, he SoP ah hian ruihhlo man leh ruihhlo zuarte man hunah chauh ni lovin, hemi hnua zawm tur dan te thlengin a awm a ni a ti.

Ruihhlo kaihhnawih man tuma inkaihhraina dan SoP an siam chhan hi ND&PS Act hnuaia man te hrem hleihtheih an nih thin loh vang a ni a, hei hi chhan ni a lang chu a dan kaihhnawih hriat fuh tawk loh vang te, danin tih tur ngei ngei a sawi te zawm kim loh vang te, chhuichian dan a fuh tawk loh vang te leh a dang te a

ni a, hei vang hian pawikhawihthu ni a rinhlelh te man, dap leh hnu chhui chungchangah dan zawm kim thlap a ngai a, a kaihhruai nan Standard Operating Procedure mumal siam a ni ta a, ruihhlo Dap hma, Dap lai, Finfiahna lak dan, Sample lak leh vawn bakah chhuichian hna thawh tur te ziahlan a ni. '



ZPM OB MEETING

Chief Minister Pu Lalduhoman, a kaihhruai sorkar chu an danglam a tul a, an kal danah fel lo lai leh tha lo lai a awm a nih pawhin; inzir zel tur leh thiam zel turin an inbeisei a ti.

Nimina Aizawl Vanapa Hall-a ZPM General Headquarters Office Bearers meeting ah thusawiin Pu Lalduhoma chuan Sawrkar hnathawkte nen rim taka thawkin, ram siamtha turin theihtawp an chhuah a ni a ti.

ZPM OB meeting hian Resolution siamin an pass a, Kuthnathawktute thawhrimna hre renga, ZPM kaihhruai Mizoram Sawrkarin a intiam ang ngeia thlai thar hlawhtling taka a lei leh loneituten an kutkawih ngei thawhrim rah an seng thei ta te chu an lawmpui takzet a. Kum lo kal zel tur atana thlai thar lei dan tur ruahman tha zawk siam a ni zel pawh lawmawm an tih thu a tel a ni.

Hei bakah hian, ZPM kaihhruai Mizoram sawrkarin mipuite hriselna dinhmun ngaihtuah a, an hmakhua ngai taka pawisa pek lawk ngai lo (cashless) a damlo enkawlina - Mipui Health Care (Mizoram Universal Health Care Scheme - MUHCS) tha tak a duang chhuak leh hman tangkai mek a nih bakah a hlawhtlinna hmel a hmu chho zel chu lawmawm an ti a. Dinhmun harsa zawka ding ten sum leh paia harsatna an tawh avanga inenkawlina tha an dawn ve phak loh thinna te tunah chuan reh chho zelin, anmahni sum sen ngai lo (cashless) a sawrkarin a enkawl theih tak avanga inenkawlina tha zawk an dawng thei ta chu an lawmpui tih an tarlang a ni..

Sawrkar tha zawk siam a nih theih nana hmalakna hrang hrang - aikal lak tihtawp, office hun vawn dik, mumal taka sawrkar hnathawk hlawh leh bill pek chhuah a ni ta te, Sawrkar hna lak hrang hrangah party induhsak bikna awm lova Dan anga lak thin a ni ta te chu lawmawm an ti a; heng te hian Sawrkar inrelbawlina mumal zawkin a kal chho zel a ni tih a tarlang tih an resolution ah chuan an sawi a ni.



BJP STATE PRESIDENT MET GOVERNOR

BJP Mizoram State President thar Dr K Beichhua MLA chuan nimin khan Governor General (Retd) VK Singh chu a chenna in Raj Bhawan Aizawl ah a hmu.

Dr K Beichhua chuan Governor chu State pachhia leh hnufual tak a nih avangin Mizoram in kawng hrang hranga hmasawwna a neih theih na tur a hmalakpui tur leh tandun pui turin a sawm a, Mizoram mipuite ei leh bar zawwna kawnga harsa tak takte hma khua ngai a, PM Modi hmalakna chhun zawm a, Sabka Saath Sabha Vikas tih anga mitinin an chanvo diktak an chan theih na tur a hmalak dun ni se a ti a, Mizoram hmasawwna tur a theihtawp chhuaha hmalakpui turin a ngen a ni.

Governor General VK Singh pawhin Dr K Beichhua chu BJP Mizoram State President ani chu alawmpui thu sawiin a rawt ang ngeia Mizoram hmasawwna tur atana theihtawp chhuah a thawhpua, tan dunpui a tum thu lo hrilh in, Mizoram a PM Scheme hrang hrang kalpui anih dan leh hmalak dan te pawh a tul anga enpui a, PM Scheme te ahlawhtlin theih nan a hmalak atul thu leh hruikhat vuana thawh dun a tul thu alo hrilh bawk a ni.

Dr K Beichhua MLA hi Pu Delson Notlia MDC, BJP National Minority Secretary in a tawiawm bawk a ni.

<><><>

IMD

Indian Metereological Department Aizawl Centre Director, Pu Sudheer Kumar Dwivedi-a'n nikum fur hunlai aiin kumin fur chhung hian leimin tam zawk mahse nunna chan zat a tlem zawk a ti a, hei hi IMD Aizawl Centre, Mizoram sorkar, thuthar thehdarhtute leh mipuite thawhhona that vang a ni a ti.

Akashvani Regional News Unit Aizawl-in a kawmnaahPu Dwivedi-a chuan kumin fur chhungin Mizoramah hmun 770 chuangah lei a min a, mi 5-in nunna an chan a ti a, kumin nen khaikhinin nikum Cyclone Remal thlen laia Mizoram hmun hrang hranga leimin zat chu a letin a tlem zawk a, hetihreal hian nikum khan leimin vangin mi 30 chuangin nunna an chan a ni a ti.

IMD Aizawl Centre chuan Mizorama media agency hrang hrangte leh Disaster Management te nen tangrualin, Mizoram mipuite hnenah thli tleh leh ruahsur nasa avanga chhiatna thleng theite laka fimkhur tura an inchah that thu a sawi a, thingtlang hmun hla tak taka awm te thlengin khawchhia avanga leimin, thing tlu, leh chhum zing avanga khaw hmuh fiah theih loh thleng thei chungchang IMD hrilhlawkna te an lo hriat phah a, hei hian nasa takin chhiatna nasa zawk thleng thei lakah a venhim phah a ni a ti.

India Meteorological Department (IMD)Aizawl Centre hi kum 2003 July ni 27-ah din a ni a, Aizawl office atang hian Lengpui Airport tana Aviation service te tan khawchin an enkawl a, Kolasib leh Mamit atangin loneitute tana khawchin hriat tur pawimawh te an tichhuak thin a, mipui nawlpuite tana khaw chhia avanga fimkhur tura thuchah leh khawchin te chu media agency hrang hrang hmangin an tichhuak thin bawk a ni.

<><><>

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan nimin khan Republic of Ghana Parliament-ah thu sawiin India leh Ghana te chu ram inthiantha tak an nih thu a sawi. Pu Modia chuan ram pahnih inlaichinna chuan huam bik a nei lo tih a sawi.

Prime Minister Modia chuan mipui rorelna democracy chungchang sawilangin India chu a hringtu nu ang mai a ni tih a sawi a. Inbiak pawhna tha leh inhawng taka indawrna chu democracy ah a pawimawh thu a sawi a. India-a hnam chi hrang hrang lungtual taka an khawsa chu democracy zia ril tak a ni tih a sawi.

PM Modia hian vawiinah Trinidad and Tobago-ah tlawh leh dawn a. Tun tum hi kum 20 hnua India Prime Minister Trinidad and Tobago a tlawh leh hmasa ber a ni ang.

<><><>

PRASAR BHARATI

Prasar Bharati Chairman Navneet Kumar Sehgal chuan nimin khan New Delhi-ah International Conference and Exhibition on Broadcast and Media Technology-BES EXPO vawi 29-na a hawng. Pu Sehgal chuan thusawiin kum 10 kalta chhungin ramchhunga digital lama hmasawnna ruhrel a thang nasa hle tih a sawi.

Prasar Bharati CEO Gaurav Dwivedi pawhin thu sawiin media hmang thil thehdarh kawngah khawvel huap mai nilo mimal leh tualchhung thilte uar taka thehdarh a ni tawh tih a sawi a ni.

Kumin Conference thupui atan hian Transforming the Media Landscape through AI: Create, Collaborate, and Monetize tih hman a ni..

<><><>

UNION TRANSPORT MINISTER

Union Minister Nitin Gadkari chuan National Highway Project cheng vaibelchhe 2,456 hu Garhwa ah a hawng. Pu Gadkari hian Jharkhand tlawhin cheng vaibelchhe nuai 2 chuang hu highway project kalpui anih tur thu a sawi a. He hian hmasawnna a ti thang nasa hle dawn tih a sawi a ni.